

東洲草堂詩鈔

東洲艸堂詩鈔卷二十五

道州 何紹基 子貞

羅研生見示荷池度歲詩次韻荅之

癸亥

東洲居士老忘嬾三冬溫讀舊日書歲闌意動忽掩卷連旬冒
雨尋邨墟最憐叔弟手烹飪喜見猶子勤陪趨歸途凍雨八十
里小橋直到東門衢長沙鱗比成浩穰吾廬況在東南隅門徒
雜逕祇自媿科目排擠稱師儒軍興強復課文菽小醜何久稽
天誅欣聞朝列有簪合自笑羸軀難杖扶同治紀元慶二載叩
闕敢不嚴紳裾自從謫居就頽散憂

國肝膽空藏儲長沙雖是安靜地感事回憶春明居

九闌朝賀每獨拜千門茶壘尤揶揄我於賀歲特勤摯僮僕未

許相欺誣

元旦朝賀編檢到者甚少或止小臣一人余於
拜年不攜僕手自投刺二月始畢人多笑之

長街

曲巷靡不至上元燕九翮易徂其閒廟肆有十日百寶湧出看
紛鋪鼎彝圖史混真贋畫迷董巨書歐虞吾徒冷交三五輩不
期會如鼓應桴縱觀羣籀目不轉偶有一得氣爲舒傳觀互賞
接談宴此樂殊不思江湖歸來朋舊縱不乏幽懷嶢嶢何由攄
羨君縱跡亂荷菱正勤文獻蒐粉榆僭書買帖間亦有苦藏萬
卷人家無謂余相距太遼遠旬難一見煩鴻魚會合雖少味轉
勝每念片語如追逋毋因頽老遂舍我中流尙賴千金壺連晨
捷書南北應今年民氣其將蘇

癸亥春正月二十日爲吳郎子儁與小女合登之辰積
雨乍晴滿天星斗喜而有作

荆布雖難效古風詩書芳潤滿簾櫳漫誇得壻才名盛差幸傳
家孝友同天外來颿良願慰附於客冬由浙至湘雨餘合登快晴融循陔

共侍雙親健閒暇還聽唱和工

吾女韶雲結褵吳氏老懷欣慰詩以示之

兒未回家女適人老年懷抱易傷神且從客舍開甥館緩卜山

莊洽比鄰

婿家同住原豐壩

笠屐尚欣吾輩樂

余將有嶺南之游

齋鹽須念母

勤辛閒中莫厭煩廣和樂事循陔正好春

衡州途間有作

天公畫理奪荆關爛寫春光不及刪萬象根芽無可測隔年形色與俱還千畦黃繡菜花地百里翠黏茶樹山晚景怕人嫌冷淡林巒染遍夕陽殷

耒陽謁杜工部祠

我從夔府尋茅屋又向成都叩草堂孤塔長安曾望雪古亭歷下屢飛觴沅湘歸夢生懷抱屈賈餘風未渺茫今夜孤鐙千載

思一江風月弔詩王

韓瀧祠

舟泊韓公祠瀧神卽公位舟人競傳說公實職斯事苟非祈禱
虔難卜涉川利試思公未來神柄何所寄如何公旣來瀧險每
難避罵佛佛無語驅魍魎識字神乎應有神於人當默庇請讀
南行詩詞責任瀧吏斯吏竟何人耐祀庶無媿

小玲瓏室偶題

玲瓏書室是吾家夕照園林盡采霞夜半酒醒風露重奇芬開
徧荔支花

荷花知是幾時開開到圓時我見纔畫舫莫教淡處去好花不
願有人來

蘇舸觀村

德輿仿吳門蒲
鞵頭題曰蘇舸

清風細雨乍疑秋人意
翩躚欲化鷗一片歌聲浮水過荷花萬
柄盡低頭

海山仙館夜起

層軒雪閣靜瓏玲
夜色珠江萬影青
婉婉荔支灣上月五更來
照酒人醒

龍蘭窈窕望如招
游水北山莊月下初嘗荔支夜雨後尤
美喜而有作用坡公初食荔支詩韻

主人見客先胡盧
聲說荔脣柱枯開花結子有時節尙待蒲
艾爲前驅三月酷熱不可襦飢蚊如虎爭齧膚
豈料清風大月夜冰肌玉骨逢仙姝
簪鬋聊勝無間粵雨秋嗟向隅此行
噉遍海南果較量到此同一癡三更交作雷
電雨萬顆溼透驪蚪珠清晨林間再摘啖
渴吻頃刻回甘腴始悟兩君謝簪紱爲

懸此味如蓴鱸好倩丹青貌四子同坐有陳鶴巢孝廉題作蠶家剝荔圖

莊中養蠶

十五日回海山仙館荔支初結子耳戲用坡公荔支歎

韻

高田漸欲揚塵灰低田水須龍骨催廣州賢守三日禱大雨直

從天上來史蘭溪同年我從順德指南海一路農歌嬾蒐采但看荔

子雨催熟可驗誠祈通靈載憶管持節古蜀州嘉寶噉遍眉敘

涪此閒風味乃大勝補憾差足償前游可憐飽啖如蘇子忍生

苛論疵瘡病豈知天意祕且珍何與人間災與瑞名園不見牡

丹芽兩美難合防相加嶺南無牡丹快登雪閣再呼酒又泛蘇舸聽

煎茶姍姍者來何遲耶海山仙子未還家滿園開遍素馨花

自順德歸由海山仙館移居長壽寺

狂遊忽忽五羊鞭朋舊多情總管緣天地有情如此酒江山何處著吾船擬從香海窺鯨窟更向羅浮問蝶仙收拾禪心證初地苦吟聲出半帆邊

所居屋題半帆額

題黃莘農中丞前輩檢書看劍圖

眼光千年萬年照足力千里萬里到每憶相期浩蕩懷最多韻外談諧妙精工措摺官韻詩翰林文字人共嗤豈意紬書清祕地大有撫劍沈吟時蕩節衡文間與粵當曰使軺先後發小別

怱怱十五年遙夜相思共明月欣聞

特簡東防河塞菱湛玉仍揮戈華星移來照嶺海正氣早已驅鯨鼉我從踏雪峨眉後岱華嵩衡遍狂走鷗心迴處每穿雲蛟臂揮餘仍昵酒看君努力荷艱鉅容我浮蹤支老朽春明近事問如何玉堂天上長回首

題羅雨峰畫鬼趣圖戲呈德翁

德翁篤耆古圖史紛在架牛腰忽成束送看不煩借雨峰鬼趣
圖開卷天色詐奇想構虛無陰風交醜姪說鬼古籍多兒童供
喜怕無端賞其趣鬼氣從此霸乾嘉諸老宿題詩不畱罅豈知
鬼情性喜諛而拒罵坐令題詩人袞袞歸長夜請君亟焚此形
神失憑藉鬼亦自有國各使反其舍界斷人鬼關清氣調元化
許小琴邀看書畫最後出南唐古梅圖屬題依壹齋老
人用東坡李公擇畫梅花韻

大雨隨客來雷鳴寺鐘動妒我有嘉招天公發嘲弄茶甘器尤
古酒醖杯欲凍紛綸列卷冊靜閣不知闕矜賞偕勿僧舒卷勞
僕從平生看畫眼今日又一縱精神各照世未可分伯仲最後
出此圖新墨古香貢孤根八尺圍積雪萬年重壹齋首題記觀

寒續吟弄香風卅七年詞流遍廣颺嗟從軍興來名山抱奇痛
憶我廬黃游松乾灤泉雍古梅恐已薪翠羽難成夢誰從平山
口更問南唐種許子奇兀姿才業不可韋一官庾嶺外寒花性
情共驪珠媚潛虬琅玕飼飢鳳望古意茫茫懷鄉心洞洞它年
抱圖歸似發和璞甕

三月二十四日長壽寺半瓢亭燕集已酉秋賦門人卽

書會賓谷都轉長壽寺脩禊園後

門人到者何梅士仁山沈少韓史雲游蓉

裴顯廷許晉笙應駟潘寅初斯湛羅峰農家劬何醉六
述經黃夢榆懋懋熊犀園次變丁荔裳熊黎次皋伯慶
金伯惠錦吉夢濊士如隆溫鳳樓世京李弼臣廷翰顏
桐生培豫黃賓門國光陳伯襄作猷李毅伯聯芳歐陽
雙南鎔林繼南式藩盧口口裴挂曉崧文煊
鄒蔚山掄斌之子實甫承梅凡二十四人

昔讀賞雨茅屋詩瓊琚玉佩多丰姿虹橋脩禊成往事偶然清
興託禪池慈航半帆岸可渡水僊一曲神爲移

見脩禊圖記

先生於

此有遐寄彼十人者何由窺勝遊一瞋逾七載粵秀山堂開學

海紅棉綠榕入圖畫魁儒鉅生得模楷既甄羣彥究樸學復萃

陳編刻經解巍然一代阮儀徵氣壓曾南城十倍小子研文亦

治經仰視兩公如燭螢持衡手握家傳鑑先公丁卯典粵東試照海珠明

天上星當時二萬七千卷經策紛綸蒐采徧余於三場無卷不開淵源許

鄭富詆稽才筆京都見研鍊十五年嗟時事多廿四人深知已

戀袖海樓頭慶盞簪小浮山畔仍開讌梵宮幽院且相羊前輩

風流未渺茫君不見獵碣譏碑森兩壁勞公新構補經堂寺新

補經堂勞辛皆制府集諸生補刊皇清經解於此又摹刻石鼓文及神識碑依置兩壁

同年陳蘭浦譚玉生金芭堂門人林薌谿金伯惠招集

學海堂拜阮太傅師木主於啟秀堂即事作

詰經精舍聖湖旁嶺外仍開學海堂節鉞幾人崇學術典型百

世永馨香新模重啟珠江秀

堂係重修地勢雄闊

後起彌增璧府光

諸生多來

見先益暫欣羣彥集海天琴思入蒼茫

蕪谿畫吾兩人小像卷余爲題海天琴思四字

題山谷鷺鷥帖

鷺鷥股上不勝刀想見先生難拔毛百千一百十二字溝車視

此豚蹠操

端巖如見華嚴寺寶相於今化平地布施豈在大光錢厯劫不

壞惟文字

乘火輪船游澳門與香港作往返三日約水程二千里

火激水沸水轉輪舟得輪運疑有神約三時許七百里海行更

比江行駛不颿不篙惟恃鑪鑪中石炭氣燄麤有時熱逼頗難

避海風一涼人意蘇一日澳門住一日香港息澳門半華夷香

港真外國一層坡嶺一層屋街石磨平瑩如玉初更月出門盡

閉止許夷車奔馳逐層樓疊閣金碧麗服飾全非中土制止爲
人人習重學室宇車船等儀器其人醜陋肩髀修淡目凸鼻鬚
睂虬言語侏離文字異所嗜酒果兼羊牛漸染中華倉聖學同
文福音資攷諏謂余書有辟邪用試懸老擊驚羣酋平生足迹
徧行省今日得此韵外游萬怪魚龍窺醉墨近仙樓與杏花樓
近仙樓在澳門杏花樓在香港同
游者陳亞蘇董文卿及閩齋姪也

南海神廟觀韓碑

扶胥之口黃木灣一水近與珠江連重洋遠近不可睹百靈祕
怪焉能前文心狡獪靡不究有似京都窮鍊研斯文固以交契
重孔公況是當時賢我愛斯文雄且綺欲往觀碑證源委端陽
節後鵝潭空粵中殿重午節白鵝潭爲龍舟所聚天嚮琴齋來艇子出豆欄黃向
東駛行八十里須臾耳先讀坡句浴日亭謂看日出太卑迤入

廟虔誠叩清晏殿宇樸遯不華侈千年神像何巍峩萬里海天
如尺咫天寶冊尊廣利王信非北東西海比碑材堅碧如瑤琨
高至丈餘眞麗偉韓愈譔文陳諫書袁州循州兩刺史循州書
出沈傳師堪與袁州文竝峙袁州距潮千里外銘碑豈能親戾
止譔書及石信三絕爲壓歸褒拓百紙惜哉銅鼓無文字鑪鞮
無從攷年紀想見年年賽祭時闐闐聲聞數百里

廟中有四
銅鼓甚大

達奚司空像

南海神祠大門外達奚司空貌突怪當時槁灰魂不歸塑像手
指波羅界呂宋西南波羅洲地數千里山環周習耶蘇法重禮
拜風教正類西班牙永樂朝貢王不返司空殉主或有由今日
天主教流傳徧中國天文與算法竟非好消息韃哉昌黎言庶
幾聖與仁苟異於此道皆爲棄其身

寄方子箴

三日三易舟難行亦何駛一笑泊韶州故人有方子徒步入道
衙酒闌狂論起豈僅快合并意在相切砥別後三展書一書必
累紙詩思風雲馳進道天若咫尺由衷實平樸旁觀詫奇詭君本
靜者性掉鞅詞壇軌一官作監司千里肅綱紀方展濟時略非
不榮且美顧其澹蕩懷甚厭時俗靡古心不入時道戰自策已
性靈濬乃出文字清見底吾衰成爛漫兄事荷豈弟羊城本舊
游鶴艇船名茲重艤新雨幸不乏舊雨漸希矣所居半帆亭君
咎曾棲止不寂亦不喧有竹兼有水徐家酒未涸潘園花正綺
雲樹渺相思來颿天際指

題偃松屏贊卽用坡韵伍紫垣藏物

天南地北各有林麓譬如東西暘昧皆谷乾坤氣清鍾於先生

忠義溢魄翰墨孕精金心鐵骨不折不齧投之嶺海風韻愈發
然則羅浮之松不雪而剛雖生炎荒何異於中山之英先生蓋
有感而言望孺子益植介節以固內而洗瘴

題張虎頭自寫佛圖照應次郎仲虎之屬

佛圖卽虎頭豪氣壓中州自寫盤陀了便爲天外遊

曹成不久卽逝

鷺鷥

半帆亭邊苦赫曦長老尋來雙鷺鷥頓令一鑑小波折化作萬
頃清漣漪夜來一雨不曾住風搖竹樹聲參差老夫念汝不得
睡問汝雙禽知不知

得龍蘭縵望如兄弟書仍用坡韻

按頭筠管生蒲盧風炎日烈硯水枯淡春始得甘澍降山館稍
覺炎氣驅連晨狂霖沾袴襦潤澤到我頑肌膚半帆亭子殊秀

潔喬松細篠兼莊姝琴僧詩客無日無名帖古書堆座隅評書
攷畫如說荔從香色味分精粗新篇來自百里外光明字字蘋
蛇珠初疑硬語近酸醲漸覺回味生甘腴有客餉我白玉酒時
鮮腴以黃花鱸黃花魚之小者粵人謂之黃花鱸醉餘夢到大良去曉鴉驚起
盤浮圖

化度寺碑宋拓本爲伍紫垣題

率更書勢自八分房公碑見追古勤魯公復於篆得筋東方題
額露鄂垠雄視百代惟兩君目中固無王右軍化度此本世其
聞如圖出河鼎騰汾春明早覩古墨芬又曾摩挲南海濱於今
雪鬢不可耘仍展筇筇籤題芸桑下三宿戀更殷自嗟頽挽如
凍皸老眼幸未遮浮雲潭溪窈樓何紛紜謂從王出眞矯云山
陰葉几香白熏蘭亭姿媚風吹裙三百餘載隨飛蠶文皇偏嗜

收放紛珍重，樵寫屬臣羣。率更強勉隨繩斤，本色自枉森矛矟。
流傳定武如典墳，以證化度絲不棼。南北書派如昏昕，何苦合
并同榆枌。羊城初夏盛炎氣，荔支紅熟蒸烟爨。未宜飲酒致午
醺，但可啜茗香徐焚。安得韓家定武帖，對看邕師塔銘文。定武蘭亭

即歌書耳

徐柳臣前輩壽詩並敘

憶余十六歲時，當嘉慶十九年甲戌。先公官少司成，十
八行省癸酉科選拔生肄業成均者，彬彬然執贄門下。
余得盡識其才，僞爲余有交游之始。時江右二徐文名
藉甚，則吾柳臣前輩與哲兄穎墀也。計偕至都，卽從先
公問業，嗣皆以

廷試高等分職星曹，聯璧嘉譽溢於輦下。穎墀遲回平進

階秩不顯君聯翩成進士入詞林典試山左分校京闈旋以供奉進

御文字領司清祕潛神覃思與俗殊好靡術不究才望苑特凡所譏擬有劉單典籥之風權白制誥之遺臨池精敏與其鄉先輩陳玉方侍御李春湖侍郎書名相埒性坦易寬簡不設城府余及弟子敬子愚尤以通家雅故婉變狎習余性故迂樸復以詞館後進勉自芴敕弟輩則忘形忘年伉爽之談嬉娛之致君雖道廣善交於吾昆季視它友加摯焉誼重緣深彼此益不之覺也詞垣最計出守潁州移劇安慶奏署皖臬擢巡東道遷山東臬使凡所擘楷寬猛必衷欣慄交感其彰灼在人聽觀者在潁州開霍邱縣八里塘五十里之淤河三旬歲

功歲增種麥數萬石攝皖臬時有夷警輯游民修城陰
勒以兵法創製竹簰及它戰守具精奇出古法外迪東
廣西州沙夷勾結儂人將起事輕裘簡從徑入夷巢諭
以威信遂縛送渠魁夷寨數百竝以保甲編之百餘年
伏莽如埽秕稂官民皆驚爲得未曾有大理回磔方熾
計其時避瘴將遁伏銳師於歸路三戰三捷軍威遂振
蒙

恩賞戴花翎山東捻勢縱橫立連界合捕之法計戢根株章
程甫定被議去官粵匪擾及南昌荷

特旨襄撫軍防堵募水勇規守禦省垣被圍九十餘日賊受
創解去所練銳勇會同各軍收復郡縣毀家輸餉至無
餘積含謨吐忠

帝用嘉之寵復按察使銜人人知將起用顧恬然高致戢影
蓬廬不復與聞時事矣久在史館溫溫無所試見侈談
經濟者默不荅一語一膺外吏糾紛槃錯則奇智碩謀
如兔起鶻落如風電之相屬所謂不由師授忽自得之
者歟抑祕而蓄之者素歟余蒙以書律相氏厲門徑不
能強同然君筆法淡造人書俱老尙能懸腕作蠅頭字
余則臂力已頽使轉怯乏有退無進望塵知媿已君歸
里後余每過豫章必握手道故乙卯冬余以蜀學使罷
歸在秦中度歲長郎韻泉候令過從譚執得聞里居安
狀甚慰今年春仲薄遊羊城道出韶州叔勤世講方令
曲江君來就養意外相逢閤署俱爲狂喜臨別屬曰余
年七十有一矣五十年文字至交無逾吾子能贈以一

言乎吾多蓄陳耐傾所有以相遺山光水色中月滿尊
前句來天外如與故人晤對也既至粵寄寓潘德畬海
山仙館木棉已謝荔子方花游蜂繞牀日作吟哦聲午
雨驟涼案頭枯木硯亦生滋潤欣然有述兼綴一詩歸
舟過韶當付叔勤兄弟讀之爲老翁一笑之樂也詩曰

與君名位半窮通性情夷澹頗亦同子不好游靜者功完固耳
目多明聰我生蹤跡如雲鴻翔集岱華峨黃嵩尋碑嶺外得曲
紅適然相遇疑寢中賢郎作令效卓龔治諧非必沿家公家公
千里敬烏蓬側耳來聽輿頌工此樂足化千愁空厥初會合此
兩翁一甫弱冠一尙童後先竝直承明宮舊游回首東華東諸
公袞袞去若風惟兩翁者不啻豐尙能把酒矜豪雄又復研文
互磨礪再遇再別真蜚蓬願言實此癡與龔庶益晚節骨力充

它年雲將遇鴻蒙證茲道味何盈冲不在紺髮方青瞳韶石九奏樂未終作詩介雅壽無窮楷書未暇緣恩恩

次韻荅蘇廣堂前輩見懷索和

避鋒早使百壬寒

聖世誰云直道難

夫語傳來聞

再召諫垣從此重專官繫懷時事多新感久別春明少故歡此日

楓棧應在望風裁中外正環觀

憶咎燕臺共歡歌用心苦欲過陰何風傳猿鳥新詩富

來詩有雙關浮

空猿鳥賦之句峽入羚羊別思多

余至肇慶始知君以四月北行

廊廟江湖差異趣文

章政事本同科田閒聊適歸潛志側耳嘉聲滿

玉坡

次韻奉別徐柳臣前輩

粵醖方張海瘴寒飽經槃錯甘辭難止愁骨態終乖俗且任兒
曹學做官韶石崇高堪獻壽訟庭清簡卽承歡尉陀城畔多奇
麗乘興何時一往觀

君欲游羊城未果

當年金石發商歌跌宕高懷近若何詩裏波瀾客我放書家模
楷任君多醉搔雪鬢猶談藝閒說礪年共赴科明日長沙歸櫂
疾相思嶺外有東坡

君不和余詩而尚能作小楷

次韻答方子箴同年世弟

乍經酷熱想奇寒縱有高臺避暑難

昨同游九成臺

明月相思如舊友

久不見月好風難遇似清官珠江忽悵兼旬別畫閣重逢一笑歡
武雙流分左右千檣萬艫亦奇觀

公餘能不廢詩歌下問無如倦眼何蒙以詩卷相質余以碧海
鯨魚才力健美人香草性靈多植根不外研經史效古須防落
臼科硬語正宜追險絕它時駐馬得平坡

五更

夜半收炎氣清眠向五更荒雞曉不斷辛苦要天明

癸亥七月新得曾孫胡恕堂有詩見賀次韻荅謝

清晨鵲語噪桑條後院有桑樹不料新異誕此朝慙愧兒孫稱父祖

未衰齒髮即松喬

國恩錫福先芬庇先文安公六次蒙賜福字故有六福堂相府斯馨寶墨標時負居長

沙劉文恪相國舊第有眼見書香綿五世未須七葉羨金貂

珠江游興未蕭寥一路看山暑不消歸櫂恰隨秋信返鄉魂猶

逐海波搖時方自羊城回曉聲聽說孫生子骨相應勝牧與樵

戚友分甘珍粵產攔歸粵中土桑蓬又作酒旗招

題羅藝圃學博綠天庵重九圖

近聞郡閣逢重九例有詩人來五三難得東安老學博同尋古

寺綠天庵壁間石墨不隨劫雨後芭蕉大可談卻羨息柯賢太

守別來書畫轉奇酣謂楊海琴

羅子論交四十年春明花月醉如顛筆精簪久依

丹地草法今還叩綠天樽酒重逢疑野屋此番始晤於胡恕堂處片帆又

買萍湘船溪山藻耀前賢迹快證千秋翰墨緣謂衡嶽九疑活潑處名

勝有唐宋以來石刻

癸亥九日恕堂招飲余以傷足不能出用黃月厓賞菊

前首韻余尙未見菊也

年年風雨作重陽今歲天將此例荒晴景未覩霜信白佳辰休

問菊英黃尋秋諸老真多興
寒步寒暖未解忙靜待旬時腰腳
健看山不必問何方

廿二日月厓招同彭于蕃陳花農方桐香胡恕堂菊飲
次月厓弟二首韻

天兵未迅掃機槍清靜瀟湘雲水鄉
霜後尙憐花不澹坐中無奈鬢俱蒼
願從今後都添健且餞殘秋遍舉觴
菊可十旬酒千日東籬原不識重陽

于蕃由鄉居入城同人次弟酌之菊花亦漸漸開矣月厓有一尊添我健之句余擬

書添健齋三字贈之

舒蘇橋前輩宦迹圖四幅曰濠州郡樓簞秋曰淮平湖
中捕盜曰亳州騎驢赴任曰居巢牛山種樹皆張少白
丈筆也哲嗣仲和裝池成冊屬題敬成長句時同治癸
亥重陽後仲和贈菊初開也

東鄰舒子靜者徒讀書奉母能自娛肅然手冊走示我先德歷
官之四圖郡樓秋入賓朋賞洪湖夜破荻葦驕騎驢赴任亳州
牧沿山種樹居巢長百不及一聊寫宣雪泥鴻爪真偶然奇氣
無邊海水湧游迹所至華星懸我生冠歲接談藝早羨蓬山才
藻麗一官外轉朝論惜宦績詩聲卻非細後來車笠會合頻春
明久聚尤可珍客裏琴書能跌宕酒餘肝膽最輪囷生平自負
諳水性蕪湖渡江來報政清晨擊楫雲氣羶中流失船風力橫
鷗鷺飄零笑向人魚龍振盪來爭命脫身始覺江浪寒仰面忽
驚天色正雖然冒險實堅悍從此吾身得清淨當時語此意甚
豪屬我作詩未成詠謂宜補寫落水圖堪附四幀爲後勁但愁
畫手不易得難與東黃後先映東黃山樵張少白我自兒時陪
硯席十萬松園早蕪廢十六圖幅倍珍惜雨中初菊開幾枝夜

窗展卷挑鐙遲豈惟企想賢前輩兼復流連老畫師

黃月厓有賞菊詩次韻奉和

吾廬不知處何暇有東籬恰喜鄰園近時窺露葉垂重陽況未到菊事不嫌遲領略秋來味涼風事事宜

巷南有黃窠撥句欲忘年酒力能添健詩懷轉鬪妍今宵見新月萬里共青天應念東南事停杯一浩然

胡恕堂舒仲和先後贈菊置酒賞之唐月亭塾師有詩
喜次其韻

奇花性格異凡胎灌溉宜先數月栽飽受秋陽方養足仍須霜
信且遲開今年菊我無老圃難尋索幸有良朋肯送來蕭澹幾
枝風味別翦蔬溫酒共徘徊

曉起書聲到夕陽偶然閒步繞迴廊君課吾孫甚勤喜看秀筆吟寒句

難得高才愛晚香萬態漸隨秋氣斂一樽又發老夫狂幽姿耐
久勤珍護冷澹從來意味長

廿六日唐藝農招飲賞菊同坐有彭于蕃李仲雲于蕃
有詩次韻奉答

已送殘秋去今宵住雨聲名花逾咎豔傑閣喜新成韻逸難爲
畫枝多不識名素心三兩客珍重主人情

難得漁鄉窠來城不厭勞游添詩篋重笑倚酒樽豪漁窠近詩
益多雖不
善飲而持
醖不放手燭影移來短花光照轉高寒余慚醅酹泥滑欲沾袍

余足傷
未全愈

小院新種竹月亭學兄有詩次韻荅之

移居悵別古桑樹

舊居古
桑甚巨酒餘失足成蹇步

八月初七移居
初十夜傷足閉

關市月疏造請扶杖巡檐得閒趣牙籤萬軸先整理石墨千函

復陪附書聲漸覺兩耳喧字債難消雙眼霧重陽節過天氣肅
萬卉新霜忽非故友人園菊肯移贈伴我幽齋證心素繼呼花
匠植叢篠透雨初寒根易固東籬高韻薄蘭泣小院清風動韶
濩同學唐子襟抱靜不遣塵氛來掩護詩書芳臭自流溢花竹
精神耿環互既親鐙火勤課讀又蹋林陰愛按句老夫才盡勉
追逐炳燭餘輝敢愁暮

題奎垣欣遇卷爲羅研生作

研生從伯父碧泉宮詹分校乾隆癸卯京闈主司劉文
清翁覃溪皆爲臨褚本禊帖文清題二絕句覃溪一再
和之又題奎垣欣遇四字於卷端謹次韻得十二首
敬滌乾隆癸卯春辟雍初建勵儒身秋風行殿

丹毫注第一

天題曰在人

主司分校一堂春喜是詞垣共出身書義首場兼韻語特開巨

網獵才人

是科始以四書文及詩同在首場考官及同考廿一人皆用翰林爲一時盛事

兩世通家卅六春當年都是矮檐身文章科目聯師友報

國同心務得人

覃溪閣學以丁卯鄉舉出文正公門下文正以辛卯典禮部試爲監試羅微五侍御臨蘭亭碧

泉其從孫也覃溪跋述師友淵源甚悉

前後登瀛止隔春

文清辛未覃溪壬申

盛名難得薨耆身

兩公皆年逾八旬

搖毫

對策真奇事一代書家有幾人

鼠鬣蠶繭永和春三百餘年始現身一傳特因天筆重千秋誤

盡學書人

文皇喜姿媚襖帖始重於世右軍遂成書聖

一紙輸殘缸面春誰期化出萬千身王孫兄弟妯柔嫵僥倖昇

山落水人

歐本矜莊褚本娟蘭亭聚訟浩無邊斷斷頂腳量分寸蘇米齋

評太可憐蘇米齋蘭亭考

瑤臺青瑣嬋娟豈識忠肝向日邊嫵媚正從堅重出何曾飛

鳥受人憐文清引寶康評褚中令書語余謂泉非知褚公書者

桂花淡處月常娟是科園中久晴見翁詩注詩字香畱官紙邊書皆用題紙莫怪

槐廳遺載筆覃溪編集不矜憐翁詩桑梓掄才集刪落此詩

天際烏雲坡帖娟我曾欣賞聖湖邊榆關旅邸聯吟夜韻事同

時足愛憐時駕巡盛京兩公復命至榆關共賞天際烏雲帖見翁集是帖余曾見於杭州孫氏杭州破後不

知尚

劉翁家世鬪清娟繼美瀛洲亭子邊太息青棠老書屋門庭凋

落路人憐覃溪後裔凋落盡矣

滇海賢豪不媚娟妙無雙字錦池邊一家兩世三詞館藻翰流

芬政足憐謂尹楚珍閣學時交清正考尹翁副之

意有未盡再題六首

緩臂懸來不計春
臨池贏得退閒身
半生未識蘭亭面
肯信姜俞一輩人

銳習公方閱兩春
但愁老學細於身
世閒那有元丕碣
和雅虛

評誑俗人覃溪題卷尾云魏元丕碑極似張遷而加以和雅之度余兩年來習公方碑百通知非不和雅者元丕碑

久佚止有孤拓本故此老爲此語小蓬萊閣雙鉤本全乏古意恐所藏舊拓尙是翻刻本也

一卷珍貽九九春
梅根居士苦吟身
不辭日費磨人墨
未羨齋

頭磨墨人覃溪爲文清題磨墨齋額見卷中詩注研生居古荷池精舍方纂忠義錄及楚南耆舊文徵今年癸亥上

距癸卯八

力求質厚洗浮娟
意到蘇齋詩髓邊
我自清狂微尙別
絃夔異

趣最相憐研生癖耆翁詩余不敢附和而唱和不絕

扇頭寒月照娟娟題向古荷池水邊又展奎垣欣遇卷傳家寶

墨總堪憐

魯年爲研生題周忠介書寒月篇詩扇亦碧泉先生舊藏

寫作麤疏厭嫋娟濫叨接武液池邊棘闌風雅懷前輩一笑翻成我亦憐

楊海琴觀察自永州寄贈鄉物小詩奉謝

故人千里勤相餉前有甘蕉後蝦醬老饕一笑快呼酒但知咀
味忘辭讓手書累幅讀難竟聞我傷足問無恙平生山水莽登
陟五嶽周游足逾放遂感天公妬狂逸藉此小懲收放浪數月
卻歸真懶出繞屋扶筇幸無妨來書何苦仍促駕浯谿芝山好
修創豈惟摩崖待題字兼欲載酒先置舫勃然游興動湘水小
廬忽若無依傍水行又須舟一葉山行又費屐幾緡天寒步蹇
竟如何聊寫小詩酬瓊盎

癸亥冬至日曠寄園消寒初集主人恕堂老兄有詩次

韻奉和時望雪未得

朋舊年來苦寂寥滿腔愁思鎮難消練軍籌饌無虛歲望雪看

雲又幾朝問字諸生憐漸散書院已收課談詩老友有相邀湖湘豐

歉關天下此日陰晴費變調

讀畫評碑語未闌竹處研生季眉方過余涉園忘卻步趨難傷

足未大愈乍傾竹葉心先醉未見梅花句已寒尋樂暫宜拋几杖忘

形何暇整衣冠高臺大可覩雲物記取江山雪後看園中高臺宜眺遠

次日十三月厓老兄約晚香山館晨餐仍用前韻奉柬

一夜狂風更寂寥宿醒仍倩墨飴消余晨起必課隸數紙近爲研生題奎垣欣遇卷知劉

文清有霞灰飛處成荒典管飛灰無其事繡線添來慶永朝

曠寄園亭容徙倚晚香山館復招邀清晨野客來三兩客惟余與恕堂

生難得蔬羹妙手調有饌皆出中饋

幽花未覺晚香闌隘巷還愁客到難且喜添來無限健君初度賞菊詩

有一尊添我健之句余許爲書添健齋額君今年七十一何須消得自忘寒昨日未與消寒會故有今日之

局羨君樹裏藏雙硯院小而密笑我風前著小冠余頭不好待祥

飛灑徧瓊瑤相約繞城看

癸亥冬至後與胡恕堂黃海華王敬一唐蔭雲爲五老

消寒會十五日在吾齋爲第二集恕翁海翁詩先成次

韻奉荅

軍報多時苦寂寥忽傳南北逆氛消三江凱捷先區夏兩邸忠

勤翊

聖朝時政清明臺吏肅戰功稠疊

主恩邀預思偃武修文近元化誰將鼎鼐調

幽齋冬味正蕭寥吉語融將凍墨消天下車書還一統上元甲

子怡三朝

海華謂冬至後一日甲子即上元甲子

寒梅爛向淡山間大竹須煩野

艇邀

居停舒仲利以船載大竹種前院隙地

殘菊食餘仍盼雪天時玉燭定和調

席間有菊葉脯

時艱容易宦情關掣肘惟虞進退難媿我頻磨文柄重歸來還

耐破瓊寒諸生問字客扶杖長吏相存暫整冠倉卒荒庖燒溼

葦故人猶作秀才看

一院沈陰燭易闌今宵見月料應難且欣綠鬢來英妙有伴霜

髯話歲寒

坐客添莊心安陳丹皆

敲句夙推江夏筆糾詩那有惠文冠繡

絲老女無人笑何苦箴功

要細看

忽堂每脫稿必屬余爲酌定

王敬一丈餽粵橘酥魚風味果勝走筆奉謝

敬一丈人吾敬愛三世通家忘行輩艱難九死一生餘時事蒼

涼身健在老蛟歸休百不聞見紙卽寫見酒醺望古千秋莽陵
谷揮毫一氣成煙雲黃子論詩有律令刻削精嚴造幽雙胡翁
蕭澹任天真大好園林酣嘯咏磊落難得城南唐一官進退猶
旁皇勾集消寒成五老又喜颯爽來髯張雪後湖山發奇采萬
樹梅花爭蓓蕾中榆前後正寒峭大江南北傳饒凱聞江南蘇州克復江
北苗逆亦被殲我欣扶杖觀

中興諸公事業方驚騰側聞

朝政益精厲坐見寰宇同清澌吾儕老至幸非僊野店旗亭詩

可芥擬常珍館小飲耆英真率古所傳點黜昇平入圖畫海南橘實遠

更馨三日宿醒今始醒狂游噉遍人間果無復矜夸楚頌亭

黃海華處消寒第四集

梅樹有情冷酒杯無意添連旬晴景逼一夜朔風嚴凍迹生鞋

鼻豐茸上帽檐聊思勤手足日日整牙籤兩句來日督兒孫檢理書帖

吾湘文藻國詩事苦因循肺腑無奇語江湖幾散人唐花催始

豔越酒老彌醇兀傲思貽愛銜杯得句頻思貽堂海華齋名

獨詠髯仙壽孤吟又一周壯年燕市集早歲鳳臺遊老屋荒嘉

樹郎君已白頭嘉慶己卯就婚鳳臺季壽丈作坡公生日為余壽坡之始後都中屢有是集去年無此會而羅

研生要余作一詩季壽丈於庚辰功名與文字幾輩永傳畱人

作古人嘉樹堂詩集亦罕傳本夫文字能令後世流傳季壽丈壽坡詞也

荊州老太守佳氣到賓筵三世階蘭秀千絲鬢雪鮮民懷導江

績友媿買山錢暫或容高臥樽鼎有聖賢蔭雲昨惠嘉酒

次韻荅裴澍田大漫

今年冬苦暖屈指入三九短詠互推敲薄寒易消受方與諸君為消寒會

會皆有詩小橋有書至斜日照窗牖迴思小橋遊適值傷足後見君

彌翼鏤歎我易頹朽憶我方十齡君已備薪標君於嘉慶戊辰入學今茲

將八旬道氣實腴厚從子從受經歡欣不退忸叔弟習躬耕竟

日隴間走為題滄浪句十月間到子敬弟小僑山莊為詩人飯題聯云清如孺子滄浪水瘦到詩人飯題

山今承來書並以詩謝聊以酬善誘新詩枉相謝意重敵瓊玖我生於書

律得髓蓋非偶先矩本趨庭古法森到手烟雲忽變化蛇蚓恣

蟠繆昔題祕閣帖足破山陰鄙近和奎垣詩細與翁劉剖難藉

一枝筆杜盡千夫口世人談定武此語徘徊久來詩有世人談定武識閣多豐

語似與鄙意有合者君老尙劬學未可昵所守何不勤肄書金石無量壽

李仲雲招客作東坡生日出觀成都西樓帖次日寶蘭

泉侍御屬題錢南園先生手札作詩送蘭泉行

昨日展觀西樓帖我手鉤摹從嶺嶠今晨快觀南園札羅平寶

家三世寶兩公相距已千載正氣剛風共扶抱書律精嚴乃餘

事亦任願懦澤痒稿芋園主人能好事雪後開樽壽坡老從余
借帖付貞石奏鶴南飛薦蘋藻奉持錢札寶蘭泉清白吏之子
若孫亮節在銓曹直道重諫垣中興遇

聖主特召膺

殊恩雅才恢益閑道力老更敦我生迂鈍忝修史一官落拓慚
建言碩獨於兩公皆有微尙存卽論字與詩波瀾其淵源梅花
香滿園積雪明庭軒壽坡宜有詩況送寶子朝
帝闡此行風采倍珍重佳音早寄湘中邨

東洲艸堂詩鈔卷二十六

道州 何紹基 子貞

程稚蘅

祖慶

醉隱圖

甲子

程郎過我喜如顛別後鬢眉乍七年聊借醉鄉稱小隱妙兼畫
理得真禪江南吟社舊今雨湘上春風來去船莫厭蓬門頻剝
啄一樽相對又陶然

題蔣再山閉門種菜圖

再山常熟人

竹籬茅舍儘從容雨後揮鋤土氣鬆頗厭衙官文字習閒來種
菜不哦松

破甑晨炊半捆柴呼童買米向長街盤飧懶喫人家菜風味無
如自種佳

春風幾日到荒園種菜何須深閉門妨有高軒來剝啄竹根一

醉又黃昏

故山間井半爲墟湘上飄零薄宦餘本自無田可歸壘也園僦

屋且栽蔬

時君做居也園

甲子四月廿三日種竹後得大雨邀熊雨臚胡恕堂左
景喬李西臺諸老快酌卽事成篇時雨臚從鄉來助潛
三弟亦由小橋山莊到城也

城中住屋乏幽致雜植野花有山意不如有竹山始深十丈塵
囂翩自避去秋移僦舒家屋門前急種數窠竹後來成活餘幾
竿冬春大雪真刻酷炎節試把園丁尋五十七箭森成林明知
生理未可恃我意已到深山深汲泉澆灌不知苦安得天公賜
甘乳忽然大雨無縫至葉葉枝枝盡掀舞種竹得雨遭際奇豈
宜不告良朋知朋來無酒又少味遂復轟飲爲娛嬉風來竹笑

客亦笑竹客同聲皆曰妙有時客語及時事竹雖不荅嫌其躁
客有鄉居到城者爲道田家境瀟灑果然萬竹繞吾廬何必城
居非在野雨聲旣歇酒亦停主人送客天有星移牀便就竹裏
宿夜深枕畔明流螢

大孫鍾會二十三歲生日卽事作時吾兒攜孫回州小
試入泮後甫回省吾家秀才一脈至孫爲十四世矣

日十八

新秧插遍水要寬五日不雨愁田乾老夫胸中別有念繞竹一
日千盤桓今晨雲氣殊不薄時漏日光偷閃爍乍收炎意化清
風直破雲頭張雨腳一雨再雨竹漸驕橫掌直聳爭相超諸孫
愛竹勸翁酒大孫生日是今朝憶昔鍾山初誕汝萬竹園中驚
鷺舞二十三年時事非問釣魚臺何處所

孫生於金陵釣魚臺
寓園南鄰鄧氏萬竹

園竹閒鷺鷥巢占遍次孫從師學綴文三孫初解平仄分四孫

高聲誦唐什抱置剏上牘以醇翁手一冊丹淵子牽著轆材詩

句裏

近日看文與可醉聽兒孫說故山世閒幾處濂溪水道州

之美以有

十四世延芹藻馨竹光來映子衿青虛心直節干霄

上接葉聯柯蔭滿庭

黃海華見二十八日卽事詩惠貺新篇次韻奉荅

自從手種庭前竹有客到門都不俗主人譽竹客和之一笑相

看清興足兼旬得雨四五番漸脫枯黃長新綠懸牀鎮日竹陰

坐口不欲言心暗祝平生笠屐遍山海老去丹鉛閉書塾豈能

遽脫猿鹿性未免迴思雲水躡忽然叢篠森自舞遂覺遙峰到

何速一林疏影夜吟多五嶽前游清癯續奇懷跌宕祇自喻歲

華閱歷真可讀東南重寄得韓范吳越餘氛走蠻觸

時杭嘉蘇常俱克復

而敗賊逼撮
江西地面
安得天公雨露甘淨洗十年兵火毒五月十三壬

子破諺語仍愁水過屋天心仁愛未必然旱澇何曾有成局銷

寒佳會餘四老簪盍翩然來五六冬春閒與王敬丈黃海華胡

蔭雲往郭後頗覺岑寂而近日蔡漁安鄧厚甫居然呦鹿有鳴

和不似飛蚊莽徵逐明朝又向竹閒聚曠寄園中青菜熟處

蔬最勝今宵且和盃交詩皓月一天爛如玉

病起奉謝王敬一丈

穉孫生日翁一樂抱向竹閒恣歡躍有客馳饋大鱖魚帶鱗透

蒸供飽嚼何緣觸迂到藏神雋味不受翻成嘆夜來腹痛迸將

腥號呻達旦驚四鄰牽連反覆及肝胃傾吐宿酒數十斤多藏

厚仁理應爾不解別腸所貯何輪囷疾雷下天雨破屋電光時

欲穿吾腹狂霖不能礙我痛且活庭前新種竹素心落落三五

寢猥辱過存情話厚昨宵幾與諸公別此後相期同白首諸城
丈人活國醫連日風雨勞奔馳今晨請緩疏引子和我戒食鱗
魚詩

題李義山爲金松園畫扇頭小景羅研生屬題

扇爲碧泉羅學士舊藏款有雲華道人李義山送金松
園赴燕艸於嘉陵客舍云云翁覃溪閣學題一絕句云
客寢聊隨水石灣尋詩只在遠林閒因風欲荅樵人唱
澹影濛濛何處山李金不知何時何地人翁詩亦未得
其詳也

雲華道人李義山送金松園赴燕關嘉陵客舍夜燭殷爲寫一
角樹石灣一竅杖藜步閒閒尋詩來叩石黛斑小景姿致能回
環碧泉學士喜得扇蘇齋爲浣德鄰硯二十八字太矜練評帖

論書此老擅人間奇曄點黠通必涇源頭究流轉蠅頭蚊脚手
不倦此幅未肯爛漫題蓋因姓字遲攷稽濛濛澹影樵風低是
何處山揣自迷句子眇遠脫町畦我疑二子家蜀西寫景作別
意淡懷後來北游囊落奚幸哉獲遇學士攜家藏鄭重不外齋
六七年無垢繫學士從子梅根棲重檢舊墨加錦綈蓼洲寒
月明似珪蘭亭欣遇光照奎我皆爲題紙尾驚最後出此秋欲
淒挑鐙諦視蜚亂嘒我於畫理別徑蹊游趼踏遍千崖泥嘉陵
山水三百里持節前游逾十祀畫妙昔稱吳道子山色江聲存
畫史今不見吳猶見李雖然一握尺半紙引我夢魂入蜀矣豈
獨嘉陵在夢擬峨眉劍閣青城山都落今宵枕函裏

黃南坡七十生日王式度大令畫壽星爲祝南坡屬占

小句

天上或明南極老人閒豈有地行仙壽星自古傳圖畫駝背梨
顏雪壓顛

牡丹富貴菊延齡點綴風光媚壽星何不拋除手中杖狂遊五
嶽叩真形

宛園秋好綺筵開彩障瑤篇爛漫來更倩王郎圖五老年年共

醉紫霞杯

南翁欲畫五老圖謂陳雪廬胡恕堂主人及余並畫者與焉

和李季肩六十自壽詩韻四首

嬾到吟朋互擠推一年詩社待誰開鹿鳴坐看馳文陣緩臂惟
宜把酒杯講舍城南方冷落書壇硯北晒崔嵬秋來耆耇多初
度羸得稱觥月幾回

羨君豐饒老耽文靜室觀香息眾紛步到上元初甲子探餘太
始古邛墳勘書容易銷良夜曝書安詳趁夕曛一笑煙雲成過

眼要令後起識前聞

諸將新紉

聖主憂東南清遍大江流疊聞

上賞頒金鳳尚念西軍走木牛無數少年新翠羽慰它思婦大
刀頭老來其覩中興象重理磯邊舊釣鉤

溪秋風味到林泉初月娟娟已可憐桂子漸開香綻粟菊花何
礙小如錢新詩和韻無平險苦酒開懷孰聖賢與子白頭堪跌
宕兒孫傳硯郎良田

用羅研生九日唱和韻奉荅壽陽相國見懷之作

垂老懷人各異方近年耆舊去堂堂

追懷鳬香詩始諸老

每愁吟社荒京

洛忽枉新詩賁壽陽

補展九齡師道重清湘卅載教思長官衙驥子來持節佳話槐

廳倍有光

子禾太史生於耆學署今來典試

寒暖伏處幾經年衰態鵝憑尺素傳醉帖仍驅管城子狂游漫
詫地行仙閒蹤漸孺穿雲外遠夢時還到
日邊遙憶僭園吟眺處喬松秀竹鶴翩翾

喜雨不寐奉柬惲次山中丞

老暖百事成疲懦日記猶詳晴雨課今年秋旱萬井枯城中防
渴迫於餓鄉閒菜畦已就荒兼愁晚稼無從簸大府三日虔請
雨金虎炎炎風正大傳聞悲憫見顏色蒼茫天意猜難破嗟余
怯熱苦酒渴舌燥脣乾少津唾天時人事竟若何多日煩紆失
眠臥夜深忽聽雨聲來不覺麻纖一宵過拚將好雨抵清臈披
衣挑鐙展書坐明晨想見城鄉樂感戴仁明頌聲播一誠所感
有同幹萬象從茲平坎坷鈴轅五鼓天欲明小詩先爲大府賀

羅研生得吳南屏書惓惓愛又寄示仙亭游宴詩次韻奉荅

老蟻家在瀟嶷鄉游蹤汗漫遍四方邇來手訂舊詩艸江風海
雨何汪洋故山息影愛閒冷時事滿懷空激昂酒閒論議偶一
發似箭離弩難收藏城南咎賢講學處正在妙高峰之陽聊與
諸生共破硯時復遠眺登崇岡騷情未歇蘭芷馥文筆亦有湖
嶽蒼止愁士氣快速化兩科四舉秋賦場但期拔擢不培養有
類蔑裂荒土疆明知學校是根本且爲軍興籌橐囊武功赫烜
震寰宇

懋賞稠疊頌

廟廊安得行省兵火燄盡化賢宮書傳香今年菊事太冷落酒
人無處尋壺觴庭前新竹頗得氣掀舞解爲清風狂秋來亢熱

乍得雨暫可把卷憩竹旁一年游事遂拋廢老翁詩氣何由昌
羨君呂仙亭上坐納盡洞庭湖水涼近者捷書走吳越卽看醇
化躋虞唐銘勛纂懿有公等紀實傳信示弗忘寫中興碑拙挽
尙可任謂宜拉軌顏筆何敢當

王敬一世丈將以引

見入都惠詩畱別次韻奉送

吾於丈人語無泛青州試院初相見先公拔士稱公明師門得
才漢慰懸名場久滯鹿鳴歌踴躍一官呼奈何幸指衡湘騷韻
滿獲聯槃敦古歡多每值采薪君失笑不媿題楊誇意妙才人
餘事詎足奇賢吏心光靡弗照居官士民咸感恩龍山瀏水歌
頌杼偶值適同有清議又當謁觀趨

君門情款彌殷久要厚肺腑深談驚左右鄭重兩三番世交回

環六十年前後超然臺畔是君家問出山來幾歲華古迹猶留
始皇碣奇峰重蹋五蓮花扁舟忽別長沙去拋卻東籬好杯箸
城南城北幾園亭多少秋來同醉處老蠅元坐據書鼓夜夜研
朱費燭籠靜院幽蛩寒對月故交落葉去如風平生游事始山
左五嶽煙雲詩句裏恐君過
闕再來時笠屐狂蹤難覓我

楊性農親家六十初度前夕寢其曾祖芝莊學博賜以
壽星圖越日有以是圖來售者上有題字本學博畫小
照因不甚似改爲壽星者今已百年矣

芝莊芝室

性農有移芝室

接芳馨忽以精神遇典型信有石門前學博

化爲南極老人星清芬奕葉餘傳硯古窳千秋證與鈴耆耆祝

君儕伏鄭孫枝奇慧正研經

支孫十一歲文
字已有奇氣

題蔣寅昉汲山檢書第二圖吳子儁屬作
寅昉名光緒浙江海鹽人
鹿牀曾作檢書圖萬卷精神入染濡太息人琴歸浩沓可應題
踐未荒蕪鴻餘泥爪傳梅市鴈引鄉心落汲湖文獻東南魂寢
繞何年蔣徑閱吟廚

十月三十日登舟

一年不出游似負一年債講社已閒冷夜寢成孤適卻乘夏月
杪翩然一帆挂兒孫歡笑送暫別不須拜問翁將何之且到前
途話連日南風多更助順水快回首長沙城夕陽入圖畫洞庭
方淺落平浪不澎湃

贈漁父

家住湘陰野水隈一生不入縣城來笑余鴈影無南北過洞庭
湖十七回

岳陽樓

李杜題詩日何曾有呂仙誰期三度醉占盡洞庭天鶴影空空
過驚風渺渺傳希文憂樂意懷抱繼前賢

坐礮船至楊林磯

三日船穩風力弱直到岳陽城下泊忽然風猛船欲飛又苦帆
張不能落行行已入荆河腦楚蜀通波真浩渺風平浪緩夕陽
麗八槩凌虛更輕矯

聞雷

仲冬月初三晨滄間殷雷舟人相顧歎非時蓋爲災我思秋穫
後南畝生塵埃誠祈偶一應官民仍惻惻推潤到川畎水租船不
能開坐見城市中穀價高崔巍萬井蹊已枯菜畦失根莖我行
別湘浦念此首重回雷因久旱作或者雨候催願藉不平鳴一

拯農夫哀

夜半大風

今年秋稼慶極埔歡徧湘水東西農天公一喜視聽壅平分四
時忘厥冬陰晴節候失陶鑄有溫無寒沴氣從人得其氣生疫
癰忽思出游砭我慵買舟東下不攜筇三日已瘴重湖重岸頭
草樹猶丰茸舟中尙飛蠅與蜂楊林磯邊有回淙雙鷺點石其
響聳舉頭新月蛾眉濃倏忽沈陰天改容朔風如虎如雷龍長
驅一氣無來蹤高浪屹起成奇峰長艣大舸相擊衝風力一緊
萬纜鬆舟子紛呼甚浩洶久乃漸定戒愼蒸湘軍江南新捷烽
侯伯子男四等封凱旋泊此千艨艟風伯似妬高勳庸伏騎突
出相刺擣軍船逃匿自衡縱人力難與天爭鋒偃旗息鼓縮戈
弭我舟一葉隨裔溶依倚大船如駟蛩搖蕩首尾震腹胸老夫

端坐聽寺鐘且磨詩硯尋酒鍾冷吟閒醉與彌縫莫回天怒歸
和雍

舟中雜詩

垂老狂游自崛奇家人知健不傷離扁舟冷雨空江夜弟姪兒
孫入癡思

三板軍船與護行江湖滿地得清平誰期旅枕難成寐刀斗喧
闐竟夜聲

風報蒼黃到眼前馬頭猶在白雲邊舟人解道湘中樂處處溪
山好泊船

拜風魚敢逆風行定有狂飈半夜生水底料應先得氣依然江
面鏡光平

初霜天氣聽爬沙破硯揮餘墨有花凍上雙螯兼十指詩心蟹

味一時嘉

連日顛風且泊船山僧來乞布施錢沿江野廟知多少菩薩荒
寒政可憐

湘省釐捐薪水寬湖邊例外起波瀾見人倨傲無規矩坐卡如
斯況做官

老漁搖櫓大風天網得銀鱗費客錢可笑街頭無肉買連宵多
泊凱歸船

風力簸江雲四垂閉窗兀坐欲成癡要看細字磨寒硯午後挑
鐙豈是奇

鴈聲淒絕不堪聞五夜衝風恐失羣煙水茫茫天似墨一江寒
雨弔湘君

昨日題詩湖上樓湘沅波入大江流今宵已作荊州客對岸青

山是岳州

阻風三日泊楊林西舫東船各土音但隔篷窗如隔巷笑嘯滿耳不關心

巨浪掀天不可行北風入夜氣逾橫一江漆黑無鐙影隔岸孤亭埃火明

星使分甘得越醅商量半月快銜杯登舟五日瓶將罄拚與今宵醉一回

風勢剛從昨夜停沈陰不散晝冥冥來朝定卜晴和轉雲外天光一段青

難得鄰船靜不喧回流作意齧檣根又拋一夜佳眠味數過雞聲七八番

夜泊安閒睡乍醒風颿猶向五更聽舟車萬古如元氣混混泡

泡有暫停

涪甕出奇坡老外兩陳依附各名家西江瘴癘成宗派何必尋

源到浣花

時閱簡齋后山詩

推盪汙泥水面含如何江底得清甘中冷泉品從來貴子細思
來尙費參

去蜀悠悠已十霜民依士念頗難忘煮茶忍道荆江濁中有峨
嶺雪水香

短晷催人捷似梭客游何暇問風波江南無數青山影共我良
朋入寢多

一寶堂前菊萬苞傲霜枝好莫輕拋梅花縱把奇芬擅到底金

英是澹交

憶韓文山中丞

四十年來萬事非長沙朋舊兩翁稀苑園今夜看初雪誰解禁

寒醉筆揮憶黃南坡

敬丈翩然出省門比鄰閒卻雪餘樽笑余懶蹋城西路欠酒輸

詩是曠園

胡恕堂中丞曠園余與王敬丈時常憩飲近來余以路遠罕至

老筆酣嬉足唱酬安排菊磯送殘秋聞余乍解湘中纜一夜歸

心滿鶴樓

黃海華欲歸鄂

小別慙無薄餞攀樵風吹送石潭灣笑余乍有東游興忘卻君

言歲暮還

羅研生歸石潭灣未來

釣樓閒閱古圖書怪石蒼松韻有餘老去難尋素心友鄉居未

必勝城居

李季翁居釣樓待石園勸收書帖聞將移居鄉莊余每阻之

賞徧黃花醉一秋近來霜葉響颼颼三冬寒趣歸何處萬卷牙

籤海粟樓

李仲雲補堂兄弟芋園

棣華競爽各峻嶒重葺園亭秀色增山館怡顏冬味足古梅花

裏讀書錄

唐藝農兄弟

吾弟勤將寸管操一揮萬字不知勞若非挂腹五千卷筆落鍾

王未足豪

族弟子栗書日可萬字

初稟編成止自怡兒孫一例解吟詩老夫健善休勤念正好消

寒鬪韻時

兒孫近日頗嫌於吟詠

六溪口大雨

大風楊林磯大雨六溪口今朝風雨會一合不可剖更挾霜雪

氣嚴寒到肩肘陰陽互嘘噏有常亦有偶化工不自知安問七

與九

諺云七九風頭轉

舟中無歷日計已中楡後老翁誠好游游理靡

不有世態靜觀熟天意仰測久吟詩飢鷺聲作字瘦蛟走蕭瑟

墟里煙何處好沽酒

家僮沽酒至酒味粗不醇且復斟酌之暢到形與神平生辨酒

戲今日忘其曠家童侍側笑好醜事理均酒亦何好醜但期能
醉人如飲不得醉雖好安足珍高官紫綺裘不覆苦寒民朱門
千萬閒不庇甕牖鄰古聖初製酒蓋爲祀與賓重意不重味儀
狄來小仁雖爲夏后斥長閑千古春曠想古今事孰辨是非真
回首名場事已非一官飽繫石頭磯課孫餘暇江邊去坐看風
颿上下飛

贈劉鑄卿

彌鋒辰州瀘溪縣人官石頭關巡檢

戴文進長江萬里圖厲伯符方伯屬題

厲侯宴客當嚴冬出示戴畫驚暖翁奇哉長江萬里遠收入矮
紙七丈中樹石千年化蒼古巖淵百轉皆淺洪險灘危岫地勢
極來橋去楫天宇通我十年前曾使蜀直傍岷江莽馳逐迂途
灌口訪離堆快上峨眉觀雪瀑烏尤石畔看花醉白帝城邊枕

灘宿止餘三峽眼未見游艸猶嫌隘篇幅狂言一疏辭錦水賃
廡三閒寄衡麓年頭歲尾必出游北馬南船無定躡鄂渚別來
纔轉瞬愴望故人祠宇臨胡文忠公祠新成越吳一氣今肅清凱旋十
萬湘上兵名王乘勝擣餘寇節相奏膚歸會城官秀峰燼餘
樓閣峙空秀晴川閣已脩復黃鶴樓亦議脩雪後江天終夜明官閣摩挲圖畫
古舊游棖觸寢魂驚局舟從此東浮海無限煙波似鏡平

金陵雜述四十絕句

城南跌宕老蜃翁歲晏猶能意氣雄風雪一天山兩岸高吟直

送大江東

城南書院於十月收課後買舟東下

鄂州試上火輪船震耳風濤廢食眠兩晝一宵飛似馬中關欣

遇酒如泉

十一月廿四日卯刻開船廿六日卯刻抵金陵中關至張仙舫處與同船朱樂員吳芷生朱子典一醉解

興席名飛似海馬

薄游訪古到江南聞說天畱妙相庵秋海棠空僧去盡池亭非

復舊精藍

妙相庵秋海棠壁最勝今壁已毀餘景亦非舊賊改為御花園也

當年兩愛重儒林講菽鍾山與惜陰積舍荒餘無寸甃迴思緒

論愴人琴

王寅居此與潘少白胡竹邨兩先生談菽最密

夫子宮牆無處攀秦淮仍作泮池環何年禮殿重修復兩廡頽

垣夕照殷

文廟僅餘兩廡紅牆各半壁

先除兩害力能殲竟肯低心事畢佔想見讀書據危石摩挲時

上虎頭巖

周孝侯讀書臺在虎頭巖左

沿河不見柳絲搖步上青谿長板橋丁字簾前猶仿佛更誰閒

話到南朝

秦淮河惟長板橋尚在

屹立鍾山閣廢興雞鳴古埭尙峻嶒全荒十大功臣廟未敢摧

夷到孝陵

孝陵寶城及石人馬無恙

乾嘉風雅萃隨園詩畫淋漓紫雪軒遺家荒涼無可負倉山何

處託吟魂

簪至紫雪軒詩畫滿壁今並遺家無人識

雨夜談詩邢體泉後交令子得姻連慘聞父女全忠孝舊地重

經一泣然

余初識邢體翁後交子尹以女妻吾姪慶治杭州再陷父女皆自盡舊地怕重經簡齋題邢園聯語

名園無處問隨邢十里煙蕪艸不青步上清涼山上去歸然聞

得翠微亭

清涼山上翠微亭如簪

貞白燒丹有舊邱張郎陽詠劇風流三閒柏木廳猶在可惜藏

書轉弱樓

陶谷主人張微齋藏書甚富今餘柏木廳址

古餘張子舊庭階瑜珥瑤環韻自佳插架遺書多易米芬畱翠

墨在吾齋

每到張家書聲盈耳然遺書散盡吾得其金石拓數種

勝賞難忘琴隱園水光竹色照庭軒高門奕世傳忠烈可有遺

孤一脈存

湯雨生全家殉難

密竹林中叩五松洲如祠宇渺無蹤平章書帖區真贗名論猶

思陳雪峰

孫氏祠圖已燬雪峰皆品類如收藏各種甚辨

縱觀金石墨緣堂大隱歸來雨寢涼曾爲牡丹花一醉更無人

識晚香莊

蔡友石丈晚香莊皆年壯丹最盛有墨緣堂石刻

閒居好事鄴園汪蕙艸春深處處香纖腕妙題餘駐鶴於今亂

石不成行

鄴園石降上刻橫波駐鶴兩大字不可復見

萬竹園中萬鷺鷥翩然飛向海天涯它年城郭如重到賸有冷

冷水一池

鄴家萬竹園盡鷺鷥窠也皆于久中丞在家余閒日必至

釣魚臺畔舊行窩却下怕怕共笑歌二十三年揮手隔且沿池

水盼庭柯

王寅春夏與于敬子愚兩弟奉母寓釣魚臺行館大孫鍾曾始生今屋宇一新園池尚未更易

瓦礫叢中仄徑攢芒鞋半日已摧殘心憐廢井頽垣裏多少陳

人骨未寒

西園鳳凰臺一帶瓦礫堆積最甚

薄有園亭徑艸蕪石安好古不嫌麤
爛尋寥六堂何處金石詩

編稿在無

甘石安巢集金石詩兩巨函余曾爲作敘

六代流風到有明欲憑佛力鞏皇京
報恩寺塢成焦土畢竟堅

牢是石城

報恩寺塢全毀失

可歎么魔太昧機負隅何計避
霆威十年壯麗天府化作荒

莊野鴿飛

爲天府殘址飛鴿極多

向帥遲回孝陵衛曾公徑逼雨花臺
從知瞻略殊高下坐看墜

城力戰開

沅圃中丞直逼雨花臺人危之卒成大功豈不偉哉

城上神威礮萬斤枉資劇寇挫吾軍
後來地道終殲汝智勇深

沈第一勳

南門城上有萬斤神威將軍礮數尊

潛刻龍牓許誰知制勝從來貴出奇
一體軍民呼九帥元侯兄

寫紀功碑

沅圃行九人皆稱爲九帥駐軍南門外雨花臺乃由東北龍牓子挖地道入破城濬相爲紀大略刻石

銳師颯發起潭州提學羣才忠勇謀郭李范韓雖比竝固應拜

相更封侯

湖南湖北江西安徽江蘇次第克復實滌生節相之全功也

爵督來敷有酈春直從帥昧山經綸金陵王氣今消盡爲掃繁

華返樸醇

沅圖成功後即請假歸湘滌侯來辦善後庶事帥創力任艱鉅

風雪爭將健筆降潭潭鎮院絕紛曉武功初奏文場啟士氣歡

騰上下江

江南鄉試以十一月舉行金陵克復才四閱月蘇撫李少泉宮保克復蘇常等郡勳名與兩曾將此次入

閣監臨士論欣慨

南樓高矗八雲霞四面江山壯觀誇俯瞰一城真壯闊炊煙濃

處幾人家

南門城樓新葺極雄闊

衙門倉庫總成泥街巷舊名問尚迷無數列王都建府入城官

吏得雞栖

賊臣多封列王今官員皆以偽府暫爲衙署

相公懷抱海天寬節院論文靜不寒席帽聯翩羣彥集一時舊

雨接新歡

李申夫歐陽小岑李梅生諸君皆吾舊交也

偽府俄成

攷古廬銅銅者碩其稽居謂宜榮罷船山集徧梓人

閒有用書

楊見山湯衣谷李寅叔張嶺山陳卓人皆在局中

貧士偏耽

古籍儲楊張里港已邱墟梅邨幸有歸來日閭井浮

湛老箸書

楊雅輪早逝張容園近亦作古汪梅邨客鄂始返仍

之果

四十年前厯下談江南薊北酒懷酣分襟樂社才如昨雪夜江

南話濟南

彭雪淵邀作朱履巷屋

海內談碑

幾舊交不堪兵火卷蓬茅半椽樓屋塵囂裏古意樂

園寄小巢

楊石卿寓采霞街一

神識碑經

野火焚蕭梁雙碣賸題銜袍椎此日真閒卻唐迹胡

足解饒

城南梁石已無人知者從莫子偲俗看胡証書狄梁公碑裴抗書白鹿泉碑皆晉所未見

廢壘臺城迹未磨登臨北望止煙波太平門外行人斷元武湖中鬼火多

煙水荒寒不可收簪年曾作治春遊湖山自有佳時節兒女寬

心且莫愁

最後至莫愁湖止一片水耳

連晨策騎似追連鄧魏劉黃喜導吾萬竹園家好昆季地形游

迹合成圖

自廿八至初八日日出游有鄧季雨魏槃仲劉開生黃禮吾相陪始能識途季雨畫城郭地形鐵仙畫游

逆合成圖卷

楊石卿三十樹梅花書屋

書屋梅花三十樹壑祕雲寒山大素問君書屋在何方笑應客

曰不知處石頭城下黃艸深梅花渺渺不可尋作畫老翁同畫

去破樓相對愴人琴

石卿云湯雨生曾爲作圖已燬

畱園訪謝圖李匡濟畫楊越樵屬題

畱園訪謝圖李匡濟畫楊越樵屬題

遺墨珍傳三百秋
畱園訪謝古情畱
濟南才彥歸宏獎
令我回思白雪樓

崔青泉八十四侯
青甫八十馬菊邨
七十九彭逸嶺七
十湯雨生六十七
朱石梅五十五合
畫松石芝蘭爲巨
軸彭雪嶠得之屬
題小句於石罅

四百三十有五歲
六窠濡毫多妙軒
珍重棱棱忠義氣
長同松石峙乾坤

題魏文靖墨迹卷爲吳平齋作

魏文靖手墨尺牘
卷前佚脫因首有
文向二字遂題爲
文向帖亦閣帖例
也前段爲李全事
隴西之稱當時諱
忌可想彭義斌以
忠義死時青反覆
益無足道所云制
置者徐希稷也爲
全所制至以恩府
稱全恩堂稱其妻

楊氏首足倒置卽此札中所云以兒子畜之也後段爲
濟王竑事史彌遠當國濟王以無罪被廢逼縊諸賢請
從優卹理宗爲彌遠所惑不用其言悉行擯黜至端平
德祐間贈諡有如其端實由真魏諸賢發之西山辭祕
書郎兼禮部侍郎謂吾徒急須引去使廟堂知世有不
爲從官之人張行甫上封事後卽請補外遂出知贛州
文靖此札亦云富公溫公辭副樞不拜在先朝往往有
之今了翁思舜工侍舉朝驚怪當時奸相秉國士氣頽
靡非諸公孰爲振之卽此半札使袁和叔眞景元張行
甫洪舜俞諸賢輾述綽略具見良可寶貴理宗卽位寶
慶改元始有濟王奪爵逼縊之事眞魏之黜在是年冬
牟成甫跋乃謂此書之作在甯宗嘉定時謬誤可笑成

甫之祖存安爲鶴山門人卽跋中所稱先祖光祿公者
不應舛戾至此僞跋無疑松雪語意率略推許半兄同
一僞耳吳平齋得此卷不遠數千里寄至湘中屬爲題
記人事錄錄久置案頭今一棹東游小住金陵時克復
未久城內外一片荒蕪撥悶記此聞吳越兵燹之餘平
齋收輯金石書畫甚勤現在焦山修志良覲匪遙當獲
縱觀暢論復系小詩以爲之券

當時所貴侍從臣欲去未去猶斷斷講學結習乃有此後來公
論魏勝真同時乃有張行甫風節棱棱肖其祖烏乎此札良足
珍道味淵然見書矩焦山故人招我東先以此楮隨飛鴻越吳
文獻恣蒐墜壓倒當年岳倦翁

歲晚

一別山巢曠十秋近年差幸近松楸連宵枕上悲曉醒歲晚雙
親念客游

無故鐙花照酒卮旅懷相對欲生疑
簾中恆爲憂惶醒風雨空江夜泊遲

楊州萬佛樓

二十四橋無水流一城荒艸總如秋
將軍百戰功成後寶相先衰萬佛樓

將軍
詹姓

自潯墅關至虎邱

荒涼潯墅已無關孤塔遙明古水灣
虎阜千年歌管地悽然化作髑髏山

虎邱堆髑髏成
山尚未掩埋